



UNIVERSITÄTS-  
BIBLIOTHEK  
PADERBORN

## **Epitome Instituti Societatis Jesu**

**Sesti, Curtius**

**Bruxellis, 1690**

Pars VI. De Præposito Generali.

---

[urn:nbn:de:hbz:466:1-68440](https://nbn-resolving.org/urn:nbn:de:hbz:466:1-68440)



P A R S V I.  
D E P R A E P O S I T O  
Generali.



Adenus explicata hominum, ac rerum series consistere nequam posset custodibus destituta; imponendi ergo fuerunt domestici Præsides, quorum auctoritate, sua vis Legibus, suum obsequium Sociis constaret. Horum Præsidium qualitates, & jura hic exponuntur, initio ducto à Supremo, qui Præpositus Generalis dicitur; atque unus sextam hanc Partem implebit.





## CAPUT I.

De ejus Qualitatibus, &amp; Facultatibus.

## SECTIO I.

Dotes praequisite in Praeposito  
Generali.

N seligendo eo, cui universae Societatis regimen demandandum est, attendenda sunt plurima.

1. Ut cum Deo quam maximè conjunctus, & familiaris, tam in oratione, quàm in omnibus suis actionibus sit. Præterea omnium virtutum exemplo, ac præcipuè Caritate in omnes, & humilitate conspicuus; tum exterius compositus, præsertim in loquendo. Misceat benignitati severitatem: nec se dejici adversis, aut prosperis efferi permittat.

*Religiosa Virtutes.*

2. Præclaro intellectus, & judicii dono polleat; doctrinaque, sed magis prudentia, valeat: & in rebus spiritualibus exercitatione. Vigilantiam, sollicitudinem, & constantiam in rebus aggrendis perficiendisque præferat.

*Alia intellectus, & voluntatis ornamenta.*

3. Aetas



*Bona corporis.*

3. Ætas media inter senilem, & juvenilem, firma etiam valetudo attendenda; nec species externa ad decentiam, & auctoritatem desit.

*Bona externa.*

4. Existimatio, ac bona fama; nobilitas, divitiæ, honor, quibus in seculo eminebat; ea sunt, quorum aliqua ratio, ceteris tantum paribus, est habenda.

*Summa præquisitorum.*

5. Denique ex eorum numero esse debet Præpositus Generalis; qui in omni virtutum ornatu clarissimi; & de Societate optimè meriti; & diu in eadem tales esse perspecti sunt.

*Aliquibus deficientibus quid necessario desideretur.*

6. Et si aliquæ ex dotibus superius dictis deessent; certè non desit eximia probitas, & amor erga Societatem, ac iudicium bonum; quod etiam idonea doctrina committetur; <sup>a</sup> & sit Professus quatuor Votorum. <sup>b</sup>

<sup>a</sup> P. 8. c. 1. §. 6.

&amp; G. &amp; P. 9.

c. 2.

<sup>b</sup> P. 5. c. 1. A.

&amp; P. 8. c. 2. A.

&amp; C. 1. a. el. D.

6. c. 3.

*\* Nonnulla alia consideranda.*<sup>c</sup> Form. Con.

Gen. §. 30.

*Omniun aptissimus eligendus.*

\* 7. Præterea habenda est ratio eorum quæ 2. & 3. Cap. exam. & 2. & 3. Cap. Par. 1. Const. dicuntur, & Interrogatorii, quod ante electionem à deputatis PP. conficitur; juxta eas dotes, quas præcipuè attendendas esse temporum conditio persuasit. <sup>c</sup>

8. Et in ejus electione jurent singuli Electores se eligere quem aptissimum inter præ-



præsentes absentesque judicant. *d* Nec im-  
 meritò tam multa præscripta sunt; cum  
 bona, & mala Capitis habitudo in univer-  
 sum corpus redundet. *e* Quæ forma ser-  
 vanda sit in ejus electione; habes in For-  
 mula Congregationis Generalis à §. 2.  
 ad 55.

*d* P. 8. c. 6. §. 6.  
 & F. & Form.  
 Con. Gen. §.  
 29. & 38.

*e* P. 10. §. 8.

SECTIO II.

De ejus Auctoritate in Genere.

1. **A**uctoritas Præpositi Generalis (ut  
 de ea primùm agatur in genere) *Jurisdictio ejus*  
 summa est, quæ propemodum potest esse: *in Societate*  
 summa.  
 nam dicitur expedire, ut ille omnem ha-  
 beat auctoritatem in universa Societate ad  
 ædificationem: ex qua, præter cetera quam-  
 plurima, illud sequetur commodi; ut uni-  
 versus Ordo ad Monarchicam gubernatio-  
 nem compositus, maximè servetur unitus;  
 ipsiusque membra per universum Orbem  
 dispersa, per omnimodam hanc subordi-  
 nationem, suo Capiti colligata, promp-  
 tiùs, atque faciliùs à Summo Capite  
 CHRISTI in terris Vicario, moveri pos-  
 sint. *f*

*f* P. 8. c. 1. §. 7.  
 & P. 9. c. 3. §. 1.  
 & Jul. III. p.  
 64. & Gregor.  
 XIV. p. 281 &  
 Paul. V. p. 310.

2. Hanc auctoritatem liberam, & ge-  
 neralem, & plenam in universos ejusdem  
 So-

*Et in omnes*  
*Socios statim ab*  
*electione.*



g Paul. III. p.  
37.

Relatè tamen  
ad Institutum,  
& Christiana  
mansuetudine  
exercenda.

h Paul. III. p.  
12. & Jul. III.  
p. 64.

Societatis Socios ubilibet commorantes,  
etiam exemptos, cum primùm juxta Con-  
stitutiones Societatis in ejus Præpositum  
electus fuerit, habeat & exerceat. g

3. Jubeat autem ea, quæ ad constructio-  
nem propositi sibi à Deo, & Societate fi-  
nis cognoverit esse opportuna: & in Præ-  
lacione sua benignitatis, ac mansuetudinis,  
caritatisque CHRISTI, Petri, Paulique  
formulæ, semper sit memor: & tam ipse  
quàm ejus Consultores, ad normam hanc  
assiduè spectent. h

### S E C T I O III.

De Potestate admittendi Socios, Colle-  
gia, &c. & administrandi Bona  
temporalia.

Potest admittere  
ad Novitia-  
sum, & Gra-  
dus.

i P. 9. c. 3. §. 1.  
& Greg. XIV.  
p. 181.

1. **E**X tam ampla facultate descendendo  
ad particularem, 1. Generalis po-  
test per se, & per alios admittere, sive ad  
probationem, sive ad Gradum Scholastici  
approbati, aut Coadjutoris formati. sive  
ad Professionem, quos admittendos judi-  
caverit. Poterit etiam eosdem dimittere.  
Quid autem in admissione ad singulos gra-  
dus, aut dimissione servandum sit, vide  
supra.

2. Ad



2. Ad Eundem spectat Provinciarum institutio, re tamen diligenter considerata, & cum Assistentibus communicata. Eiusdem est Domos, Collegia, & Universitates Societati oblatas accipere; & in Fundatores, quos duxerit admittendos, admittere. Nequit autem dissolvere Domos, vel Collegia jam erecta, sine Generali Congregatione. *m*

\* 3. Quod si necessitas planè cogat, ut Generalis Congregationis tempus antevertatur; dissolutio pendeat à majori suffragiorum parte, quæ conferent Generalis, Provinciales intra Europam, & is etiam extra illam, in cuius Provincia residet Dominus, aut Collegium, quæ in deliberationem veniunt; præterea Assistentes, Procurator Generalis, Secretarius, & duo antiquissimi Professorum cujusque Provincie intra Europam. *n*

† 4. Insuper, citra prædictam dissolutionem, penes Præpositum Generalem est facultas agendi quosvis contractus emptio- num, aut venditionum quorumlibet Bonorum temporalium, mobilium, & immobilium: neque indiget ad eorum validitatem Socios collegialiter advocare. Eiusdemque est administrare Collegiorum Bona; & si quid relictum fuerit omninò liberum

*Quatenus possit Provincias instituire, Domos, & Collegia admittere, seu dissolvere.*

*l. C. 1. D. 108. & C. 2. D. 36. & C. 4. D. 6. m. P. 8. c. 2. §. 2. & P. 9. c. 3. §. 5. & 17. 18. & P. 4. c. 2. §. 3. & Jul. III. p. 62.*

*\* Quomodo supplendus defectus Congregationis Generalis in dissolvendis Domibus.*

*n. P. 4. c. 2. A. & P. 8. c. 3. §. 1. & Jul. III. p. 62. & C. 4. D. 23. & 27.*

*† Facultas Generalis circa temporalium Bonorum administrationem.*

rum



P. 4. c. 2. C. &  
 P. 9. c. 3. §. 5. 6.  
 & C. 1. D. 77.  
 & 100. & 144.  
 & 159. & Pius  
 V. p. 107. & P.  
 3. c. 1. §. 9. & C.  
 2. D. 15. & 23.  
 & seq. & C. 3.  
 D. 16. & ult. &  
 C. 4. D. ult. &  
 C. 6. D. 8.  
 p. Ex. c. 1. §. 4.  
 & P. 4. c. 2. §. 5.  
 & A. & F. &  
 c. 10. §. 1. & P.  
 6. c. 2. §. 3. & P.  
 9. c. 3. §. 18. &  
 c. 4. §. 7. & D.  
 & P. 10. §. 4. &  
 Paul. III. p. 14.  
 & Jul. III. pag.  
 66. & Greg.  
 XIII. p. 168.  
 & 169.

*Eligit Superiores, & Officiales: excipiuntur ipsius Assistentos, & Admonitores.*

rum dispositioni Societatis, idem Generalis disponere poterit vendendo, aut huic, vel illi loco applicando, servatis tamen Decretis, quæ circa extractionem Bonorum extra Provinciam Societas condidit, & relata sunt Par. 1. Cap. 6. Sect. 6. Non potest autem Bona Collegiorum, vel in suum, vel Consanguineorum suorum, vel Externorum quorumcumque, vel Professæ Societatis usum convertere; cui tamen potest ex iisdem convenientem eleemosynam dilargiri. p

#### S E C T I O I V.

*De Facultate circa Superiores, Missiones, Constitutiones, & Privilegia.*

I. **A**D eundem Generalem spectat constituere, atque amovere Rectores Collegiorum, ac Domorum Probationis, Præpositos Domorum Professorum, ac Provinciales, Procuratorem etiam Generalem, & Secretarium Societatis, ac quovis demum Officiales (exceptis Assistentibus, & Admonitore) eamque illis facultatem communicare, quam judicaverit expedire; eandemque restringere, ac revocare. At durante Congregatione Generali,

Su-



Superiores mutare non potest. 9 Et si; præsenio, aut gravi ægritudine, muneri vacare nequit, Vicarium sibi potest substituere cum approbatione Provincialium. r Debet etiam ante mortem eligere Vicarium suum; qui vita perfuncti locum sustineat: atque hujus Constitutionis praxis ei serió commendatur. s

\* 2. Mittere item suos potest, vel ad perficienda studia, vel ad obeundas Missiones quocumque gentium; eosdemque revocare; modò non à Sede Apostolica detineantur. Si tamen ad tempus indeterminatum ab ea missi fuerint, revocare poterit, & sua cuique munia distribuet. †

† 3. Sicut ad Generalem pertinet curare, ut Societatis Constitutiones ubique observentur, correctionibus, & pœnitentiis etiam inflictis, ubi necessarium duxerit, ita ad eum pertinebit in illis dispensare; ubi eam esse mentem Constitutionum judicaverit, & non aliter. Poterit etiam dubia pertinentia ad Institutum declarare. Quæ tamen Declarationes non habent vim legum aut Decretorum universalium, sed tantum Ordinationum inservientium praxi bonæ gubernationis: cùm illa condere, & abrogare sit tantum Congregationis Generalis; has verò Præpositi Generalis, non

C c

q P. 9. c. 3. §. 3. & 14. 15. 16. & 20. & P. 4. c. 10. §. 3. & c. 17. §. 1. & Jul. III. p. 66. & Greg. XIV. p. 281. & C. 1. D. 1 & C. 5. D. 20. & 23. & R. Prov. 22. & C. 7. D. 66. & F. Con. Gen. §. 58.

r P. 9. c. 4. §. 6. & c. 5. §. 6. & D. & C. 8. D. 28. s P. 8. c. 4. §. 1. & A. & C. 4. D. 20. 21.

\* Et quocumque velit, Socios mittit.

† P. 7. c. 1. §. 1. & 6. & c. & B. C. & c. 2. §. 2. A. B. C. & H. & P. 9. c. 3. §. 2. & 9. F. G. H. & Paul. III. p. 38. & C. 2. D. 12.

† Et constitutiones tuetur, declarat, in iis dispensat.

nera  
uic,  
amen  
ono-  
didit,  
Non  
vel in  
n, vel  
ofes-  
amen  
nosy-  
  
i s s i o  
a.  
  
con-  
tores  
onis,  
, ac  
ene-  
uof-  
enti-  
cul-  
c ex-  
evo-  
rali,  
Su-



“P. 4. c. 10. §. 2. & P. 9. c. 3. §. 8. & D. & §. 11. & P. 10. §. 13. & Jul. III. p. 64. 65. & Greg. XIII. p. 285. & C. 1. D. 143. & C. 4. D. 19. & C. 7. D. 76.

\* *Gratia Apostolica medio Generali Sociis communicantur.*

x P. 5. c. 1. A. & P. 8. c. 1. §. 6. & P. 9. c. 3. §. 10. & Greg. XIII. p. 143. & 144. & Præf. in Comp. Privil. y Greg. XIII. p. 259.

† *Quid possit in ordine ad Congregationes.*

z P. 8. c. 2. C. & c. 3. §. 2. & c. 4. §. 2. & c. 5. §. 1.

2. & P. 9. c. 3. §. 12. & F. Con. Gen. §. 57. 58. 62. & C. 1. D. 8. & C. 6. D. 26. §. 3. & C. 7. D. 71. & F. Con. Proc. §. 9. & C. 1. D. 145. & Form. Con. Gen. §. 75.

\* *Quid post indictam Congregationem Generalem.*

b C. 1. D. 1. & C. 4. D. 58. & C. 5. D. 20. & 23. & C. 7. D. 66. & C. 12. D. 30. & 32. & F. Con. Gen. §. 58.

autem inferiorum Superiorum.”  
\* 4. Quæcumque Privilegia, Facultates, Indulgentiæ, Gratiæ &c. Societati conceduntur Preposito Generali concessa intelliguntur; ita ut Personæ Societatis non possint illis uti, nisi quatenus sibi fuerint à Generali communicata. \* Cujus etiam est aggregare Congregationi primariæ B. Virginis reliquas per totum Orbem. y

† 5. Poterit convocare Congregationem Generalem, tempusque ejus, & locum designare: spectatque ad ipsum convocatam dirigere; in eaque, at non in Deputationibus, duo Suffragia habet, & præterea qualitatem præcedendi ceteris paribus; ejusdemque est statuere, ut Provinciales etiam Congregationes convocentur. z Generalem autem Congregationem dissolvere, sine consensu ipsius Congregationis, quæ Generali superior est, non debet. a

\* 6. Non licet Generali Provinciales mutare post indictam certo tempore Congregationem Generalem, usque dum hæc dissolvatur, exceptis casibus, in quibus potest, & ipse Vicarius. b Quod si literæ de.



designantes novum Provinciam missæ ante indictam Congregationem Generalem, post hujus indictionem pervenerint in Provinciam, suum effectum sortiuntur; nisi ante indictam Congregationem antiquus Provincialis triennium non explevisset, & constaret Generalem non voluisse illum ante tempus exauctorare. *c* Porro hætenus dicta de non mutandis Provincialibus post indictam Congregationem, non pertinent ad Provinciales extra Europam. *d* At Superiores locales à Generali mutari possunt, modò absolverint tempus Regiminis, etiam post indictam Congregationem Generalem, & ante inchoatam Provinciam. *e*

*c* C. 12. D. 30. & 33. & C. 13. D. 21.

*d* C. 12. Act. 49.

*e* C. 12. D. 31.

7. Ut autem prædictæ facultates exercentur majori auctoritate, notitia Personarum, & in gubernando experientia, atque adeo fructu; Generalis ad vitam, & non ad tempus aliquod erit eligendus. Accedit etiam hoc commodi ex eo; ut Societas, in rebus magni momenti satis ferè occupata, universalibus conventibus minus distractionis patiatur. Præterea longius recedet omnis cogitatio, & occasio ambitionis; quæ hujusmodi Officiorum pestis est. Tum illud expendendum, facilius unum idoneum, quàm plures ad hoc munus

*Ejus perpetuitas.*





f P. 9. C. 1. §. 1.  
& A. & C. 1.  
D. 47. & Paul.  
V. p. 310.

*Eo mortuo num  
vigeant ejus  
mandata.*

g C. 1. D. 5. à  
el. & D. 1. &  
91. p. el & C. 4.  
D. 3. & 20. &  
58 & C. 7. D.  
72. & C. 12. D.  
30. & C. 13.  
D. 11.

nus inveniri. Ac demum hæc Constitutio suadetur exemplo Gubernationum magni momenti; quæ ad vitam esse solent, tam in Ecclesiasticis, quàm in Secularibus. De remedio autem, quo evitentur aliqua incommoda, quæ sequi possent ex hujusmodi Officio ad vitam producto, infra agetur.

8. Per mortem verò ipsius non expirat potestas Officialium, quos constituit, dum viveret; immo neque nominationes eorumdem, sed executioni mandari debent idemque judicium esto de ejus Ordinationibus, mandatis, & concessionibus. Sed excipiendi primò Commissarii, & Visitatores intra Europam; quorum nec perseverat officium; nec nominatio executioni mandanda est. 2. Nominationes autem Superiorum in locum eorum, qui moriente Generali triennium suum non expleverunt, sunt irritæ: nisi constaret Generalem defunctum voluisse illos ante expletum triennium exauctorare; & nisi ante rescitam mortem Generalis, etiam expleto triennio, nominationes executioni mandatæ fuissent. Alioquin nominationes hujusmodi amittunt robur suum nisi novi Generalis auctoritas illis accesserit. g




## CAPUT II.

De Providentia, quam Societas  
exercet erga Præpositum  
Generalem.

## SECTIO I.

*De Providentia erga ejus Personam.*

1.  Ed tam ampla Præpositi Generalis auctoritas tum ipsi, tum Societati periculosa extitisset si nullam unquam sibi superiorem agnosceret: prudentissimè ergo consultum, ut Societas exerceat erga Generalem providentiam suam sex in rebus, & multum in illum potestatis habeat; & ut Generalis ad bonum omnia potest; ita, si male ageret, omnino subiectus sit. <sup>a</sup>

2. Prima igitur providentia versatur, circa res externas vestitus, victus, & expensarum quarumlibet ad Personam Præpositi spectantium; quæ omnia augere, vel imminuere Societas poterit: & huic Ordinationi Præpositus acquiescet. Quo in genere, cum Regula olim constituta esset de mensa ejus privata, cibo tamen communi,

*Quàm convenientis aliqua subordinatio Præpositi Generalis.*

*a P. 10. §. 8.*

*Circa victum, & alias expensas.*



quam laudata consuetudo confirmaverat; postmodum totis animis commendata ejus subtractio; quam P. Mutius p. m. induxerat, petieratque, ut perpetua lege decerneretur. *b* Alimenta verò Generali suppeditanda sunt ab ea Domo, vel Collegio, ubi deget; & expensæ itineris, si quod agit, fient ab iis quorum bono iter susceptum est; si tamen pro negotiis Societatis illud faciat. *c*

*b* P. 9. C. 4. §. 2.  
& C. 5. §. 2. &  
C. 1. D. 76. &  
C. 3. D. 38. &  
C. 7. D. 7.

*c* C. 2. D. 82.

*Circa corporis curam, & Societatis, & animam.*

*d* P. 9. C. 4. §. 3. & C. 5. §. 2.

*e* C. 8. D. 55.

*f* P. 9. C. 4. §. 4. & C. 5. §. 2.

*Hæc omnia per Assistentes, & Admonitorem præstanda.*

*g* P. 9. C. 4. §. 4. & A. & C. 5. §. 2. & C. 1. D. 82 & R. Assist. & Adm.

3. Secunda ad corporis curam pertinet; ne in laboribus, vel rigore nimio mensuram excedat. *d* Quamquam non expediat loco temporalis Coadjutoris, adhiberi à Generali Sacerdotem, qui adstet ad ejus januam admittendi causa adeuntes; poterit tamen uti alicujus Sacerdotis opera in iis, quæ opportunius tali personæ committenda judicaverit. *e* Tertia ad Animam ejus spectat; cum etiam Viris perfectis aliquando hujusmodi cura sit necessaria. *f*

4. Circa hæc tria resque alias minus graves Societas exercet providentiam suam, mediis Assistentibus, & Admonitore; de quorum officiis infra agetur: hic monuisse sufficiat; Assistentium esse, in duobus prioribus dicere, ac efficere, quod ad majorem Dei gloriam pertinere judicaverint: in tertio verò dicere tantum, idque per Admonitorem. *g*



5. Præterea cum novissimè P. de Noyelle p. m. severam admodum censuram sibi vellet imponere, ab Assistentibus identidem exercendam; & à Congregatione Generali enixè postulasset, ut eam stabili Decreto sanciret: negavit Congregatio expedire tam arctis vinculis suum Generalem constringere. Ut tamen aliqua ex parte ejus desiderio satisfaceret, statuit; ut deinceps PP. Assistentes, tertio quoque mense convenientes, inter se discuterent; num aliquid sit, de quo monendus Generalis videretur; quod & præstarent, si dimidia saltem illorum pars monendum esse censuisset. *h*

*Consultatio Assistentium in ordine ad Generalem.*

*h C. 12. D. 7.*

6. Quarta materia exercendæ Providentiæ erga Generalem est, quando is urgere- tur (citra obligationem tamen sub poena peccati) ad aliquam dignitatem, in qua Præpositi officium necessariò relinquendum esset: tunc enim nec Præpositus eam admittere potest, sine approbatione Societatis; nec Societas, si obedientia Sedi Apostolicæ debita non compulerit, assensum præstabit. *i*

*Quid agendum, cum nova Dignitas Generali offerretur.*

*i P. 9. C. 4. §. 5. & B & C. 5 §. 6. & E.*

7. Singulis Hebdomadis Sacerdotes unum Sacrum facient, reliqui verò Coronam dicent ad intentionem P. Generalis: ea tamen Sacra non ita à Generali appli-

*Sacra ad ejus intentionem vel pro ipso facienda.*

*l Catal. Miss. canda §. 20.*



canda sunt; ut alii quicumque exinde solvantur ab obligatione Missarum ob elemosynas receptas, recipiendas. ve celebrandarum. *m C. 12. D. 8.* Demortuo autem Generali, qui sunt in eodem loco Sacerdotes, quinque Sacrificium Missæ offerant; & reliqui totidem Coronas recitent: in aliis autem locis per universam Societatem, tria Sacra Sacerdotes facient, & reliqui tres Coronas dicent. *n Off. Vic. §. 2.* Præter hæc Sacra, precesque, in nostris ubique Templis Officium Defunctorum dicendum, & solemne Sacrum cum Exequiis, cui privata sua adjungent eadem die Sacerdotes, & reliqui Coronam. *o C. 7. D. 5. & C. 12. D. 56. §. 5.*

## S E C T I O II.

*De Providentia in iis, quæ ad Generalis officium pertinent.*

*Quid si inutilis sit effectus.*

*p C. 1. D. 48.* I. **Q**uinta est: si accideret, ut valde remissus esset in rebus magni momenti, ad Præpositi Officium pertinentibus, & inutilis ad gubernationem Societatis, propter corporis gravem ægritudinem, aut senium (non autem ob voluntariam incuriam) *p* spe emendationis ea in parte sublata. Tunc enim Vicarius, qui Generalis officio, fungatur, est eligendus ab



ab ipsomet Præposito, cum approbatione Provincialium; ad quod excitandus est ab Assistentibus: si verò nequeat, aut renuat, eligendus est Vicarius, juxta formulam eligendi ipsum mortuo Generali; & monenda Societas de statu Generalis, ut ipsa deliberet quid facto præterea opus sit. ¶ Vicarium cum pleno, & libero exercitio potestatis, & jure successionis, elegit Congregatio XI. & electio Pontificio diplomate munita fuit. ¶ De hac substitutione redibit sermo, cum de officio, & electione Vicarii agetur. Quamquam si Patres congregati ad plura medietate suffragia judicarent non eligendum Vicarium: videntum erit pari suffragatione, an præter Ministros illos, quorum opera Generalis utebatur, alios providere Societas debeat; ut sublevato Præposito, nihil ad gubernationem conveniens desideretur. ¶

2. Sexta, & postrema occasio contingeret, si (quod spes est Deum nunquam permitturum) Generalis aliqua peccata mortalia in externum actum prodeuntia commisisset; ac nominatim vulnerare quemquam, ex redditibus Collegiorum aliquid ad proprios sumptus assumere, vel cuivis extra Societatem donare, vel aliqua stabilia bona Domorum, aut Collegio-  
rum

qP 8 c. 4. A. &  
P. 9. c. 4 § 6.  
& c. 5. §. 6. &  
D. & C. 8. D.  
28. 29. & F.  
Con. Gen. §. 1.  
& 56.

¶ C. II. D. 1. 2.  
& 4. & 6. 7. 8.  
& 29.

¶ P. 9. c. 5. §. 6.

*Quæ causa suffi-  
ciant ad ejus  
depositionem.*



rum alienare, vel pravam doctrinam habere.

*Methodus in eo  
iudicio servan-  
da.*

3. Si quid ergo horum accideret, potest, ac debet Societas eum officio privare: & si opus est, à Societate remove; aut si delictum non eò pertingeret, sed tantum corrigendus videretur; iudicio quatuor, aut quinque, quæ correctio conveniat, statuendum. Duo tamen advertenda, 1. quoniam qui curam tam universalem aliorum habet, est magis obnoxius calumniis; probationes dictorum defectuum debent esse efficacissimæ. 2. Cùm ad talem ferendam sententiam convocanda sit ab Assistentibus Congregatio Generalis (nisi, ut in re divulgata, ultrò ad eam venissent Patres) quoad fieri potest, curandum est, ut dissimulentur causæ ejus Convocationis; & si privandus officio Generalis fuerit, secretò monendus, ut eo ultrò se abdicet; & seriò imponenda omnibus rei consciis secreti fides. Quomodo autem in prædictis casibus monenda sit Societas, quomodo convocanda Congregatio Generalis & convocata dirigenda, partim in Form. Congr. Gen. partim in Officio Assistentium exponitur.

1 P. 9. c. 4. §. 7.  
& C. D & c. 5.  
§. 4. 5. & B. C.  
& For. C. Gen.  
§. 1. & 55. & R.  
Assist. 3.



## CAPUT III.

Quid præstandum, & omittendum  
à Præposito Generali.

1. **P**ræpositum Generalem ad re-  
ctam muneris sui administra-  
tionem iuvabunt. 1. Auctori-  
tas. 2. Exemplum vitæ suæ. 3.

Mortificatio inordinatarum affectionum  
interna, externaque. 4. Severitas cum be-  
nignitate conjuncta. 5. Amor erga So-  
cietatem. 6. Preces, & Sacrificia; in qui-  
bus potissima ejus fiducia sit. 7. Sollicitudo  
regularis observantiæ. 8. Tempus (quan-  
tum per valetudinem licet) impensum uti-  
liter, partim agendo cum Deo, & officia-  
libus, partim seorsim considerando. <sup>a</sup>

2. Ut locus magis conveniat ad commu-  
nicationem Capitis cum suis membris,  
conferre plurimum potest, ut idem magna  
ex parte Romæ resideat: ubi cum aliis om-  
nibus locis Societatis faciliori utetur com-  
mercio; & quia ibidem est Curia Romani  
Pontificis. Poterit nihilominus subditos  
aliis in locis visitare; & prope Romam  
aliquando habitare. <sup>b</sup>

3. Cum novus Christi Vicarius in Apo-  
sto-

*Quid univer-  
sè.*

<sup>a</sup> P. 8. c. 1. §. 6.  
& G. & P. 9. c.  
2. & c. 3. §. 8.  
& c. 6. §. 1. &  
A. §. 2. & §. 13.

*Ejus Residen-  
tia.*

<sup>b</sup> P. 8. c. 1. §. 7.  
& H. & c. 5.  
§. 1.

*Quid erga  
Pontificem.*



stolica Sede fuerit constitutus, per se, vel per alium, intra unum ab ejus creatione, & coronatione annum, tenetur Præpositus Generalis ejus Sanctitati declarare professionem, ac promissionem expressam Obedientiæ, qua ipsi Societas peculiari voto circa Missiones, ad Dei gloriam, se obstrinxit. *c* Et generatim memor sit, in primis conservandam benevolentiam Sedis Apostolicæ; cui peculiariter obedire, & inservire debet Societas: cum hæc ejus prima, & summa Obedientia statuatur. *d*

*c* P. 7. c. 1. §. 8.

*d* Paul. III. p.

10. & Jul. III.

p. 62. & P. 6. c.

1. §. 1. & P. 7. c.

3. §. 1. & P. 10.

B.

*Quid eum declinare oporteat.*

4. Ejus præterea officium proprium non est concionari, nec Confessiones audire, aut alia hujusmodi; nisi quid præstare hoc in genere subinde per alias occupationes officii sui ei liceat; quin ipsas Missiones Pontificias, ut recusare non potest, ita nec debet affectare, aut petere, sine Societatis consilio, nec magnopere occupari debet in cura rerum particularium Societatis, quas plerumque rejiciet ad suos Officiales, etiam in ea Domo, ubi residet. Multò minus implicari debet negotiis secularibus, licet piis; ne tempus, ac vires ad ea, quæ pertinent ad ipsius officium, (quod quidem magis, quàm totum hominem requirit) eum destituant. *e*

*e* Paul. III. p.

12. & Jul. III.

p. 64. & P. 7.

c. 1. §. 2. & D.


& P. 9. c. 6. §. 1.

& 4. 5. 6. B. C.



## CAPUT IV.

Quibus Commentariis, & Informationibus juvandus sit Præpositus Generalis.

- I.  Pud se habeat Compendium omnium Literarum Apostolicarum, & Concessionum ad Institutum pertinentium, Catalogos itidem quatuor, duos spectantes ad Personas, earumque ætatem, Gradus, munera, & indolem; tertium continentem cujusque Collegii, & Domus statum. Hi autem Catalogi tertio quoque anno conficiendi, mittendique à Provincialibus ad Generalem, juxta Instructionem accuratissimam, quam videre est Form. Scrib. §. 32. &c. & in Ord. Gen. Cap. 19. unaque quartus de aptis ad Gubernandum, qualemque delineatum habemus Ord. Gen. C. 17. His quatuor Catalogis alium Provincialis addet, intermediis annis, continentem nomina, & Ministeria, in quibus unusquisque Nostrorum eo anno occupatur, & supplementum triennialium Catalogorum, a Demum cum ad Præpositum Generalem pertineat Societatis Ministeria,
- &

*Compendium Privilegiorum, & Catalogos apud se habeat.*

a P. 8. c. 1. N.  
& P. 9. c. 6. §.  
3. & C. 2. D.  
48. & 54. & F.  
Scrib. §. 32.  
33. 34. 35. &  
Or. c. 17.



b Ex. c. 4. §.  
36. & P. 9. c.  
3. §. 19.

*Literarum cum  
inferioribus  
communicatio.*

c P. 8. c. 1. §.  
4. & 9. & P. 9.  
c. 6. §. 2. &  
Form. Scrib. §  
1. & 9. & In.  
9 §. 1. & 3.

*Ordo in ea ser-  
vandus.*

d P. 8. c. 1. §.  
9. & L. M. N.

& Gradus, pro cuiusque facultate, distri-  
buere, cognoscat: quoad ejus fieri poterit,  
conscientias subditorum, & Provincialium  
præcipuè, aliorumque, quibus munera ma-  
joris momenti committit. *b*

2. At præter informationem illam,  
quàm Generali suppeditant prædicti Ca-  
talogi circa habitualem ferè statum Perso-  
narum, & munerum Societatis, necessa-  
ria etiam eidem est cognitio rerum, quæ  
in singulos prope dies incidunt, & subinde  
etiam remedium ab ejus suprema auctori-  
tate deprecant. Laudatur igitur literarum  
frequens commercium inter inferiores, &  
Generalem. Et is quidem frequentius scri-  
bet ad Provinciales, quamvis aliquando  
etiam oporteat agere cum Superioribus lo-  
calibus, & particularibus personis; eas-  
demque consilio, & si opus est, correctio-  
ne juvare. *c*

3. Cum autem præter casus extraordina-  
rios, quibus quilibet, & quoties libuerit,  
ad Generalem scribere potest, oporteat  
in reliquis methodum aliquam servari  
temporum, & Personarum: hæc tradita  
est 1. in Constitutionibus paulò largior.  
2. In Decretis Congregationum, & Ge-  
neralium Ordinationibus aliquanto pres-  
sior, utpote accomodata excrefcenti in  
dies,



dies, unà cum Societate, negotiorum  
moli. e

Ex prædictis igitur Regulis, & Ordinationibus perstringenda sunt præcipua capita, ad quæ illæ revocantur; & 1. A quibusnam, & quoties scribendum. 2. Scribendi materia. 3. Modus.

4. Quoad primum attinet, Provinciales in Europa scribent ad Generalem semel quolibet mense; extra Europam verò, quando se obtulerit navigationis commoditas, Superiores locales, & Magistri Novitiorum in Europa, tertio quoque mense; ex Brasilia, & nova Hispania bis in anno; ex India semel. f Consultores Provincialium, mense Januario, & Julio; Superiorum verò localium mense Januario. g Rector Universitatis, Cancellarius, & Consilarii Universitatis mense Januario. h

5. Quoad secundum spectat, Materia erit cujusque muneri apta. Et Provinciales quidem curent, ut Provincialiarum; ac Personarum status Generali perspectus sit. Superiores verò locales & Magistri Novitiorum scribant, quæ alicujus momenti fuerint; etiamsi approbante Provinciali fiant; multoque magis ea, in quibus ille, aut nequit, aut recusat providere; omissis aliis, quæ per Provinciale transigi tutò possunt.

e C. 2. D. 16.  
& 54. & Form.  
Scrib. in Cod.  
Reg. p. 159.  
& In. 9.

*Quinam, &  
quoties scribere  
debeant ad Ge-  
neralem.*

f C. 2. D. 54.  
& Form. §. 7.  
8. 9.

g R. Form. §.  
20 & R. Conf.  
10.  
h Form. §. 22.  
& P. 4. c. 17.  
§. 7.

*Scribendi ma-  
teria.*



2 Form. §. 10.  
12. & 21. 22. &  
In. 9. §. 5. 6.

sunt. De Consultorum epistolis distinctius in eorum Reg. p. 154. & Cap. 10. Ordin. ubi traduntur Capita de quibus Consultores scribent ad Generalem: & infra P. 7. C. 1. Sect. 4. §. 5. & Cap. 4. Sect. 2. §. 6. de his agetur.

Et forma.

l Form. §. 10.  
& 21. & In.  
9. §. 6. 7. &  
11. 12. 13.

m Form. §. 13.  
14. & 17. 18.  
& 23. & 25.  
& In. 9. §. 8.  
9. & Or. c. 4.  
§. 6. 7.

Levamenta Generalis in epistolarum expeditione.

n P. 9. c. 6. §.  
7. & D.

6. Circa modum verò scribendi; quia longum nimis esset ire per singula; indicasse locos sufficiat, unde ille peti possit; suntque laudatæ sæpius Regulæ, & Instructiones; quarum præcipua hæc ferè sunt Capita. 1. Discretæ sint literæ; ita ut supervacanea earum vitetur prolixitas, & frequentia, necnon characterum improbitas, ambiguitas subscriptionis, &c. 2. Secretum omnes, tum præsertim aliquæ soli inscriptæ: m & quæ indigent opera Procuratoris Generalis, adjecta exteriùs litera P. notentur.

7. Quoniam verò Preposito Generali tot literarum, & negotiorum onus esset intolerabile; quod ne magna quidem cum distractione animi, & sanitatis, ac longioris vitæ dispendio posset sustinere; ut benè, expeditè & suaviter suum Officium faciat, multis ad id auxiliis sublevandus est. Et primò ad minuendum laborem non necessarium, Generalis (si res moram patiat) ad Provinciales scribet secundo quoque men-




menſe, ad Superiores verò locales ſexto. <sup>o</sup> C. 2. D. 34.  
 Literas Secretarii manu ſcriptas Generalis & Form. §. 12.  
 ſubſcribet, aut Secretarius ipſe, de ejus & In. 9. §. 7. &  
 commiſſione. p 3. Aderunt illi præterea R. Secr. 8.  
 multi adjuutores ad expedienda negotia, & p P. 9. c. 6. E.  
 literas, de quibus ſtatim.

CAPUT V.

De Secretario Societatis, ejuſque Sociis.

SECTIO I.

De Officio Secretarii.

I.  On ſolùm Præpoſitus Gene-  
 ralis eget Miniſtris particula-  
 ribus, quales ſunt Provincia-  
 rum Præpoſiti, hiſque ſubor-  
 dinati Superiores; de quibus Par. 7. infra  
 agetur; ſed opus habet etiam univerſali-  
 bus, & hiſ quidem, aut ad excitandam  
 rerum agendarum memoriam, aut ad con-  
 ſilium in iis ſuppeditandum, aut ad eandem  
 diligentia, ac labore executioni mandan-  
 das. Primæ partes Secretario demandan-  
 tur; ſecundæ Conſiliariis, ſeu Aſſiſtenti-  
 bus; tertiæ Procuratori Generali.

Quibus Mini-  
 ſtris eget Ge-  
 neralis.

P. 9. c. 6 § 7.  
 & 10. & 12.

D d

2. Ha-



*Secretarii minus quale.*

2. Habeat igitur primò necesse est aliquem Ministrum, qui ordinariè apud ipsum maneat; qui pro memoria, & manibus illi sit ad omnia, quæ scribenda, & tractanda fuerint; ac breviter ad res omnes Officii sui obeundas: qui induat Personam Præpositi; & præter potestatem, totum Officii ejus pondus humeris suis impostum esse existimet. *b*

*b P. 9. c. 6. §. 8. & R. Secr. 1.*

*Quæ notes in Secretario præquirantur.*

3. Is igitur Præpositi Minister vir sollicitus, & discretionis, & si fieri posset, doctriinæ dono, & specie honesta, ac modo agendi verbo, & literis cum omni hominum genere præditus esse deberet; isque, cui in primis confidenter quidvis committi posset, quique Societatem in Domino diligeret. *c*

*c P. 9. c. 6. §. 9.*

*Secretarii juræ.*

*d P. 9. c. 3. §.*

*36.*

4. Eligitur à Generali; idemque Secretarius Societatis dicitur. *d* Si sit quatuor Votorum professus, admittendus est ad Congregationem Provinciam, cum suffragio activo, & passivo; non item ad Congregationem Procuratorum, nisi electus ad eam fuerit. Ad Congregationem verò Generalem, post electionem præpositi, sive Professus sit, sive non, est admittendus, eum jure suffragii ad alia omnia præterquam ad electionem Assistentium; quamquam informationes tam pro Generali, quam



quàm pro Assistentibus, & Admonitore eligendis, ab eo capi possunt; *e* immo si contingat ante electionem Generalis alia negotia, ad eam non spectantia tractari, ad illa admittendus est. *f* Habet etiam jus suffragii, quodcumque agitur de Domo aliqua, vel Collegio dissolvendis, non obstante Dec. 23. C. 4. *g* Potest idem creari Assistentis; quamquam melius sit hæc munera in diversis Personis constitui. *h* Habet plures Substitutos, & Socios; quibus in scribendis literis adjuvatur; qui licet sub obedientia Vice-Præpositi, & Ministri Domus sint constituti; tamen poterit eos, cum ipsius postulat Officium, aut recreationis causa, foras mittere; & cum illis, si necesse fuerit, in ordine domestico dispensare. *i*

*e* C. 4. D. 11. & C. 6. D. 25. §. 12. & Form. C. Gen. §. 60. & Con. Prov. §. 8.  
*f* C. 12. D. 1. & C. 13. D. 2.  
*g* C. 4. D. 27.  
*h* C. 1. D. 89.

*i* R. Secr. 42. & Subst. 3.

S E C T I O II.

*De Secretarii obligationibus.*

**H**Æc circa ejus munus, dotes, & Privilegia. Sunt præterea auctoritate Congregationis Generalis approbatæ, atque editæ ipsius Regulæ, *l* quarum summa capita huc referenda.

*l* C. 7. D. 30. & 101.

1. Curet Secretarius, ut talis sit, quarum Constitutiones requirunt, Tempus

*Quid in se præstare debeat.*

Dd 2

ora-



orationi, & sanctæ Missæ destinatum à negotiis vacuum habeat. Sit fidelitatis, & secreti tenax, Instituti gnarus, sollicitus, & industrius. *m*

*m* R. Secr. 1.

2. 3. 4. 5.

*Quid circa  
Archivium.*

2. Archivium habeat ad servandas Scripturas omnes, Societati utiles, suis distinctum loculamentis, instructumque Libris, in quos, pro materiarum diversitate, singula referri possint. Peculiares etiam pugillares libellos, ad juvandam memoriam, secum ferat. *n*

*n* R. 6. 7. & 22.

23. 24.

*Quæ Generali  
in memoriam  
revocanda.*

3. Revocet P. Generali in memoriam literas scribendas, Consultationes habendas, Officia præstanda Principibus, & suggerendum quartum Professorum Votum novo Christi Vicario. In Consultationibus fideliter, & dilucidè rem proponat; ut nihil de facto reliquum discussioni sit, sed solum de jure. Suffragia pro defunctis, & alias preces indictas curet celeriter Societati significari. *o*

*o* R. Secr. c. 2.

*Quomodo  
ad executionem  
eundem juvare  
debeat.*

4. Manus officium præstabit, tum negotia foris agendo, tum literas Domi scribendo. Leget omnes literas sibi traditas, excerptis præcipuis earum capitibus, & Provinciis curabit communicari quæcumque ad Instituti explicationem, confirmationem, aut extensionem pertinent. *p*

*p* R. c. 3.

*Fidelitas, ac  
secretum qua.*

5. Fidelitatem erga Generalem observabit,



vabit, si nihil clam Generali scribet, aut  
 aget; si illi significabit quidquid ejus pro-  
 videntiâ indigeat; si nullam sibi guberna-  
 tionis partem usurpabit. Erga Societatem  
 verò, si interveniente causa cogendæ Con-  
 gregationis Generalis, ipse eam, neque  
 dissimulet Assistentibus, neque deserat. Se-  
 cretum custodiet, tum nihil aperiendo ea-  
 rum rerum, quas secretas esse oporteat; tum  
 Archivi scripturas cautè conservando: &  
 in obitu Generalis tempestivè omnia ejus  
 scriniola obserando. ¶

q R. c. 4.

6. Assistentes, utpote lectos ad majus  
 officium, reverentur; nihilque ad eos per-  
 tinens sibi usurpet. Illisque communicabit  
 literas omnes (excipiuntur soli inscriptæ)  
 quæ ultro citroque mittuntur, Instructio-  
 nes etiam, & Ordinationes; prout aliqui-  
 bus, aut universis ostendi ipsarum argu-  
 mentum postulaverit. ¶

Ratio agendi  
 cum Assistenti-  
 bus.

r R. c. 5.

7. Sociorum curam geret, tum ut offi-  
 cio fungantur suo, tum ne ejus laboribus  
 obruantur. Peculiarem unum habeat ad  
 manus, ad omnia negotia; & præcipuè  
 ad expediendas literas, earumque expensas  
 adnotandas. ¶

Cum Sociis.

s R. c. 6.

8. Cum aliis de Societate nullam aucto-  
 ritatis speciem præferat: nulli præcipuè  
 faveat. Externis autem se gratum religiosè

Et cum Dome-  
 sticis Externis-  
 que.





\* R. c. 5, 6, 7.

*De ratione  
scribendi lite-  
ras.*

\* R. c. 8.

\* R. c. 9.

præbeat; & verba ipsa, nedum nego-  
tia, ex voluntate Generalis metiarur.

9. Ratio autem scribendi literas cum  
Religiosa semper debeat esse; alia tamen  
adhibenda cum Nostris, nempe usitata So-  
cietatis; alia cum Externis, nempe attem-  
perata conditioni Personarum, & praxi.  
At utrobique Generalis voluntatem atque  
ingenium exprimat. \* Demum ei cura  
injungitur, & dictatur modus annuas li-  
teras colligendi, spargendique per Socie-  
tatem. \*

## S E C T I O III.

*De Secretarii Sociis.**Quinam di-  
cantur Substituti  
Secretarii.*

y R. Subst. 1.

*Eorum obliga-  
tiones.*

I. **A**Djunguntur Secretario singuli pro  
singulis Assistentiis Patres; qui à  
Vicaria, quam ei præstant, ope dicuntur  
Substituti: habent & ipsi suas Regulas, sed  
magna ex parte conformes Regulis Secre-  
tarii. y

2. Subjecti sunt Vice-Præposito, quoad  
domesticam disciplinam attinet: in iis, quæ  
ad Secretarium pertinent, Secretario; ut  
supra dictum. Non ita suis Assistentiis sunt  
addicti, ut aliis etiam non debeant com-  
modare operam, si jubeantur; quin &  
Scrip-



Scriptoribus præsto esse debent in compli-  
candis literis, si opus habeant. z

z R. 3. 4. & 15.

3. Scriptorum nullæ sunt peculiare  
Regulæ; non placuit eos contributione  
Provinciarum in Romana Professorum  
Domo sustentari, sed P. Generali com-  
mendatum est, ut aliam iniret viam, citra  
Domus gravamen, illos alendi. \*

Amanuenses.

\* C. 4. D. 12.


CAPUT VI.

De Assistentibus.

SECTIO I.

Assistentium munus, & qualitates.

Assistentium

1.  Sistentes instituti sunt. 1. Ut  
erga Præpositum Generalem  
eam providentiam, quam So-  
cietas exercere debet, exer-  
ceant. a 2. Ut eundem in Gubernatione  
consilio, diligentia, & labore adjuvent. b

munus.

a P. 9. C. 4. §. 1.

& A. & C. 5. §.

2. & C. 1. D. 8.

& R. Ass. 7.

b P. 8. C. 1. G. &

P. 9. C. 6. §. 11. &

R. Ass. 7 & C.

1. D. 80.

Dotes.

2. Debent esse Professi quatuor Voto-  
rum, probi, fideles, Societatis, & boni  
communis amatores; qui consilio polleant;  
sint discretionis dono præditi; in rebus ge-  
rendis versati; & ad conversationem cum  
hominibus idonei; ad conservandam inter  
se, & cum Superiore pacem, & unionem

Dd 4

apti:



*e* P. 8. c. 1. G.  
 & P. 9. c. 5. §.  
 2. & A. & C.  
 1. D. 80. & For.  
 Con. Gen. §.  
 78. & 80.

## Numerus.

*d* P. 9. c. 5. §. 2.  
 3. & C. 1. D. 88.  
*e* C. 3. D. 10. &  
 14.  
*f* C. 6. D. 1.

## Natio.

*g* Form. Con.  
 Gen. §. 78. &  
 C. 1. D. 80. &  
 C. 2. D. 20.

*h* C. 2. D. 4. &  
 C. 3. D. 4. à. el.  
 & D. 3.  
*i* C. 5. D. 1. &  
 C. 11. D. 9.

*l* C. 12. D. 5.

apti: & quorum denique opera in iis, quæ  
 statuenda sunt ad Dei gloriam, Generalis  
 uti possit: sive præsentibus verò sint, sive  
 absentes, eligi perinde possunt. *c*

3. Numero quatuor, nec plures, nec  
 pauciores olim eligendi erant, *d* electiq;  
 diu sunt, rejecto etiam postulato peculiaris  
 Assistentis pro Galliarum, & Flandriæ  
 Provinciis; *e* donec summa omnium Ele-  
 ctorum voluntate, concessus est quintus  
 Assistens pro Gallia. *f*

4. Quinque igitur eligendi Assistentes  
 in præsentibus sunt ex quinque nationibus,  
 in quantum fieri possit; scilicet ex Italia,  
 & Sicilia unus, alter ex Germania, alius  
 ex Gallia, alius ex Hispaniæ Provinciis,  
 alius ex Lusitaniæ. *g* Nomen autem natio-  
 nis non semper eodem modo explicatum  
 est in Congregationibus Generalibus; nam  
 aliquando ut synonymum Assistentiæ  
 sumptum est; hoc est pro ea Provincia, ex  
 qua quis venisset ad Congregationem; *h*  
 aliquando verò pro ea regione, ex qua quis  
 natus esset: *i* Sed definitum tandem ad eam  
 Assistentiam quemlibet pertinere (ita ut  
 eligi Assistens pro ea possit) ad quam ipsa  
 Provincia, ex qua tunc ipse est, perti-  
 net. *l*



## SECTIO II.

## De Assistentium electione.

1. **E**lectio hujusmodi Assistentium eorum erit, qui Præpositum eligunt, quando ad id congregantur. *m* Ea, quatrinduo ad informationes concessa, ad plura suffragia olim est habita, *n* nunc fieri debet ad plura medietate. *o* Et quicumque ambitiosè egerit, ut vel ipse, vel alius Assistens eligatur; aut etiam alius excludatur; excommunicatur ipso facto, reservata Generali ejus absolutione. Hujus verò delicti conscius, in virtute sanctæ Obedientiæ, tenetur reum ad Generalem deferre. *p*

2. At si quem ex electis Assistentibus, vel mortem obire, vel abesse à Generali diutiùs oporteret; Generalis alium substituet; qui, cum approbatione majoris partis Provincialium, jus habentium ad Congregationem Generalem, manebit in demortui, vel absentis loco. *q* Non est igitur Assistentis sibi aliquem substituere: *r* nec aliqui à Congregatione Generali designandi, qui subrogentur, si opus fuerit: *s* aut plures Provincialibus à Generali proponendi; sed unum aliquem Præpositus nominare, ac substituere etiam potest ante  
Pro-

*A quibus eligantur ordinariè.*

*m* P. 9. c. 5. §. 3. & F. Gen. Con. §. 78. & c.

*n* C. 1. D. 80.

*o* C. 2. D. 22. &

For. Gen. Con.

§. 84.

*p* Form. Con,

Gen. §. 82. &

Catal. Cen. c.

1. tit. 1. §. 5. &

tit. 2. §. 2.

*Et extraordinariè.*

*q* P. 9. c. 5. §. 3.

& C. 1. D. 84.

& C. 4. D. 24.

*r* C. 1. D. 84.

*s* C. 3. D. 12.



Provincialium approbationem; aliquam informationem de eo transmittens iis, quibus notus non esset. Substitutus autem à Generali in locum Assistentis mortui, aut absentis, non habet suffragium in Congregatione Generali, seu Procuratorum, vel ad dissolvenda Collegia, seu Domos Societatis; nisi prius constet de approbatione prædicta Provincialium. <sup>u</sup>

2 C. 6. D. 27. §.  
2. & C. 8. D.  
19. & Form.  
Con. Gen. §.  
85.

10 C. 4. D. 25.

*Juramentum  
post electionem  
ab ipsis prestan-  
dum.*

\* P. 9. c. 5. §. 4.

7 C. 6. D. 27.  
§. 2. & Form.  
Con. Gen. §.  
85.

*Quando inci-  
piat, aut desi-  
nat illorum of-  
ficium jure or-  
dinario.*

2 C. 2. D. 20.

\* C. 1. D. 90. &  
C. 2. D. 35.

*Qua illorum  
mutatio extra-  
ordinaria.*

3. Electi Assistentes jurant, si acciderit aliquod ex iis, quæ sufficiunt ad Præpositum officio suo privandum, se fideliter Societati denunciuros. \* Et quidem electi à Congregatione juramentum id præstabunt in ipsa Congregatione, si præsentibus sint: aliter electi præstabunt coram iis, qui jus habent in Congregatione Generali; hoc est coram Præposito Generali, Assistentibus, Secretario, & Procuratore Generali. <sup>7</sup>

4. Novi Assistentes, si jam in Congregatione sunt, non mutant locum pro eo Congregationis tempore, à qua creantur, statim tamen sua potestate, & munere fungi incipiunt. \* Eorum autem officium jure ordinario durat usque ad electionem novi Præpositi, & sunt Assistentes Vicarii. <sup>a</sup>

5. Mutati tamen sunt Assistentes pluries



ries non mutato Generali, ex imperio Summorum Pontificum. Tres quidem mandante Clemente Octavo; *b* omnes jubente Paulo Quinto, *c* & ex Brevis Innocentii X. *Prospero felicique statui, &c.* in quacumque Generali Congregatione, singulis novenniis, ut ibidem præcipitur celebranda, novi Assistentes ab illis planè diversi, qui præcedenti novennio Assistentes fuerint, eligendi sunt. Hæc tamen Innocentiana Lex non impedimento fuit, quominus Congregatio Generalis, non ex vi ejus Brevis, sed alio nomine congregata, Assistentis officium iis confirmaret; qui eo munere proximè defuncti fuerant. *d*

*b* C. 5. C. 73.  
74. & 77.  
*c* C. 6. D. 4.  
& 10.

*d* C. 6. D. 27.  
§. 4. & C. 9. D.  
2. & C. 10. D.  
5. & 17. &  
Form. Con.  
Gen § 53.

S E C T I O III.

*Assistentium jura.*

I. **E**T hæc quidem de eorum electione satis: jam quæ jura electos consequantur, dicendum est. Assistentium munus nec Prælaturam continet, nec Dignitatem: *e* est tamen in Societate gravissimum, & multis gaudet prærogativis, ut ex dicendis constabit. Et i. dimittere officium datum à Societate, sine ejus consensu, non possunt; *f* qui etiam consensus ex-

*Gravitas muneris, & quatenus à Societate dependeat in eo retinendo.*

*e* C. 7. D. 44.

*f* C. 1. D. 84.

pe-



pectandus, si aliquis Assistens indignum se præstaret eo loco. Suspendio autem ab executione Officii à Preposito Generali infligi possit. *g*

*g* C. 1. D. 87.

*Debent adesse  
Generali.*

2. Debent semper adesse Generali, qui eos sine gravi causa, vel necessitate, procul à se mittere non debet: si verò mittantur, non se excusare debent, sed obedire. Quod si Generalis, & non ad breve tempus, extra Urbem iret, ipsius erit decernere, an aliquos ex Assistentibus penes se habere debeat; aliquem tamen eorum secum, ut socium, habeat. *h* At si Pontifex vellet quempiam ex Assistentibus aliquò mittere; ut plurimum Generalis informabit Pontificem, ut dignetur alium potius mittere. *i*

*h* P. 8. C. 1. G.  
& P. 9. C. 5. S.  
2. & A. & C.  
1. D. 83.

*i* C. 1. D. 86.

*Nec aliis mini-  
steriis distineri.*

3. Quò melius officio sibi commissio vacare possint, non occupentur ministeriis, quibus ab officio suo avocentur: & si in iis à Generali occupabuntur, impedimentum illi exponere debebunt, salvâ tamen obedientiâ. Ex eorum propterea numero non sit Vice-Præpositus, sive Minister Domus Professe Romanæ: & expedit Societatis Secretarium ab eis esse distinctum. Si quid tamen temporis illis liberum fuerit, Prædicationi, Lectioni, Confessionibus audiendis, & aliis piis operibus vacare poterunt. *l*

*l* C. 1. D. 80. &  
89. & C. 2. D.  
74. & C. 4. D.  
32. & R. Ass.  
5. 6.

4. Sunt



4. Sunt ordinarii Consilarii Generalis in rebus gravibus; licet alii etiam advocari ab eo possint ad Consultationem: statuendi tamen facultas penes unum Præpositum erit. *m* Cum verò sunt Assistentes Vicarii, apud ipsum habent jus suffragii decisivi in pluribus deliberationibus; nisi amplior potestas Vicario aliquando collata fuerit; ut in Vicarii Officio explicabitur. Habent etiam apud Generalem suffragium decisivum in iis omnibus; in quibus illud habent Provinciales extra Congregationem Generalem. *n*

5. In ipsam Congregationem Generalem admittuntur æquè, ac Provinciales: nec ab ea excluduntur, qui in eadem officio suo defuncti sunt. Quin si contingat Generalem in ipsa Congregatione, aut paulò post decedere, nullo nominato Vicario, antiquissimus professione veterum Assistentium Congregationi præsidebit. *o* Habent pariter jus suffragii in Congregatione Procuratorum; *p* & ad electionem Vicarii, etiam seclusâ Professionis antiquitate, si præsentibus fuerint: non videntur aut præsentibus, si cum extra Provinciam Romanam obierit Generalis, ipsi Romæ tunc fuerint. *q* At defuncti officio habent locum supra numerum in Congregationibus Provincia-

*Habent suffragium consultivum, & aliquando decisivum apud Generalem, & Vicarium.*

*m* P. 4. C. II. §. 2. & P. 7. C. 2. §. 1. & P. 9. C. 3. K. & C. 6. §. 11. & C. 5. D. 65.

*n* C. 4. D. 23. & C. 5. D. 16.

*Quod jus in Congregationibus.*

*o* F. Con. Gen. §. 5. & 53. & C. 1. D. 90. & C. 2. D. 3. & 20. & C. 4. D. 45. & C. 10. D. 15.

*p* C. 2. D. 19. & For. Con. Proc. §. 4.

*q* C. 9. D. 34. & C. 12. D. 54.

libus



r C. 9. D. 15. &  
F. Con. Prov.  
§. 8.

s F. Con. Prov.  
§. 4.

Privilegia quo-  
ad epistolas, &  
suffragia.

s C. 7. D. 14.

u C. 9. D. 21.

libus suæ Assistentiæ; si fortè per antiquita-  
tem non haberent. Ad nullam verò ex illi-  
dem Congregationibus Provincialibus jus  
habent, cum eodem funguntur munere.

6. Ipsorum literæ, Nostrorumque vi-  
cissim ad illos referari non possunt ab ullo  
Superiore, Generali excepto. In obitu  
Assistentium, præter suffragia ordinaria,  
tria Sacra, & tres Coronæ in tota eorum  
Assistentia indicuntur; per reliquam verò  
Societatem Sacrum unum, & una Coro-  
na.

## SECTIO IV.

### Assistentium obligationes.

Quo pacto verò Assistentes officio suo  
fungi debeant, petendum est ex ip-  
sorum Regulis, quæ mandato Congr. 3.  
Decr. 11. & 33. confectæ, postmodum  
approbatæ D. 48. Con. 4.

Quid præstare  
in se debeant.

1. Debent æmulari virtutes, quas Con-  
stitutiones desiderant in Generali, & in ip-  
sis Congregatio 1, D. 80. Scientiam re-  
rum pertinentium ad Institutum parent.  
Declinent quæ impedimento esse possunt  
functionibus impositi muneris.

\* R. Aff. 1. 1. 5.

Erga Societa-  
tem.

2. Erga Societatem fidelitatem servent,  
quam



quam interposito juramento sanxerunt; ut supra est dictum ubi de Preposito Generali Cap. 2. & juxta Const. P. 9. Cap. 4. & Cap. 5. & D. 28. 29. Con. 8. Ita suarum Provinciarum rem curent, ut publicam y R. 3. 4. anteponant. y

3. Erga Generalem providentiam exercent superius explicatam. Singulari caritate, & humilitate cum illo agant; ejus auctoritatem apud omnes tueantur; & benevolentiam erga ipsum augeant. Suum illi judicium submittant, ubi quid statuerit, vel ipsis prius auditis, vel non; ut aliquando potest. Curam corporis ejus non negligant, intenti ut laboribus, & rigori parcat, victumque & vestitum, convenientem habeat. Si Summus Pontifex, aliorum relatu, adduci videretur, ut Praepositum miteret, quo Societati non expediret, Affluentium erit, quid incommodi ex ea Missionis Societas acceptura sit, fideliter representare. z

*Erga Generalem.*

z P. 7. c. 1. §. 2. & D. & P. 9. c. 4. §. 2. 3. 4. & c. & R. 7. 8. 9. & 19. 20.

4. Literarum capita, quae consultatione egent, apud se bene perpendant, & conferant etiam invicem; ubi vel ad praxim, vel ad doctrinam aliquid altiore postulat considerationem; ut facilius postmodum deliberatio apud Generalem sit. Curent nihil praetermitti rerum tractandarum. Quae ad

*Quomodo in negativis se gerere debeant.*



ad Procuratorem Generalem pertinent, ita ad illum rejiciant, ut diligentiam tamen ejus extimulent, & illius literas ad suas Provincias legant. Rectam intentionem habeant in Consultationibus, in iisdem libertatis debitæ, sed & modestiæ memores. Etiam si non interrogentur, poterunt Superiori proponere, quæ in mentem venerint usui futura. *a*

*a* P. 9. c. 6. §. 10.  
& R. Assist. 10.  
11. 12. 13. 14.  
15. 16. 17. 18.

*Quo pacto inter se.*

5. Inter se verò Assistentes mutuam caritatem, & existimationem foveant, atque honore se invicem præveniant. In Consultatione si alter alterius dissolvere rationem debet, modestè se gerat; & negotiis Assistentiæ non suæ ne se immisceat. *b*

*b* R. 17. & 21.  
22.

*Et erga reliquos Societatis.*

6. Erga reliquas Societatis Personas caveant ne Superiorum gubernationem impediunt, sed potius juvent. Secreti retinentes sint, & ejus gratiæ literas, aliaque secreta scripta ita clausa habeant, ut à nemine legi possint. *c*

*c* R. Assist. 23.  
24. 25.

## A P P E N D I X

*De aliis Assistentibus non necessario adjungendis.*

*Assistentes alius generis*

**H**is Assistentibus, quorum officium hæcenus descripum est, S. Fundator alios adjungendos, censuit, numero prioribus



ribus pares, aut plures etiam, quando Societas latius spargeretur, auctoritate impares; utpote quibus non demandanda dicitur providentia Societatis erga Generalem; sed qui potissimam partem, consilii obtinerent in iis præsertim, quæ tam in doctrina, quam in praxi altiore considerationem postulant; essentque propterea Viri literis, & aliis Dei donis clari. *d* Cum tamen iidem dicantur ab Assistentibus prioribus non esse necessario distinguendi; *e* usus etiam obtinuerit, ut nulli alii Assistentes dicantur, aut sint; & Regulæ citatæ Assistentium utriusque classis jura miscuerint; nihil de illis dicendum superest: nisi fortè malis aliqua ex parte id officium Revisoribus Romanis generalibus tribuere; quorum operâ in rebus ad doctrinam pertinentibus Prepositi Societatis non rarò uti consueverunt; & de quibus actum est Parte 5. Cap. 7.

*d* P. 9. C. 6. §.

10. & F.

*e* P. 9. C. 6. §. 11.



Ee

CA-



## CAPUT VII.

## De Procuratore Generali.

*Officium, & do-  
tes Procuratoris  
Generalis.*



I. **P**ræter adjumenta memoria, & consilii, postulat Præpositus Generalis diligentem operam ad exequendum. Auxilium ad id præstabit Procurator Generalis, qui Romæ resideat, ac prudentia, fidelitate, ac dexteritate cum hominibus agendi, aliisque dotibus polleat, non sit tamen Professus. <sup>a</sup> Dispensatum verò est à Congregatione XII. ut tunc quidem, necessitatis gratiâ, Professor constitueretur. <sup>b</sup>

2. Ejus electio pendet à Præposito Generali. <sup>c</sup> Non debet habitare in Domibus Professis; nihilominus quando non tractat lites, vel ex necessitate, vel convenientia, ad tempus, id permissum est. <sup>d</sup> Sublevandus & ipse est Ministris; alendusque cum Sociis sumptibus Provinciarum. <sup>e</sup> Habet jus ingrediendi Congregationem Provinciam supra numerum. <sup>f</sup> Admittitur etiam ad Congregationem Generalem, post Præpositi electionem, & Assistentium: <sup>g</sup> immò & ante utramque; si contingat non agi de Generali eligendo, sed de aliis negotiis: absque

<sup>a</sup> P. 9. c. 3. §. 16. & c. 6. §. 12.

<sup>b</sup> C. 12. D. 29.

*Ejusdem juræ.*

<sup>c</sup> P. 9. c. 3. §. 16.

<sup>d</sup> P. 9. c. 6. §. 12. & G.

<sup>e</sup> P. 4. c. 2. E.

& C. 4. D. 38.

<sup>f</sup> C. 8. D. 48. &

F. Con. Prov.

§. 8.

<sup>g</sup> C. 3. D. 44.

& For. Con.

Gen. §. 60.



absque jure tamen passivo in electione Secretarii Congregationis, & Sociorum, atque etiam Deputatorum. *b* Habet etiam jus suffragii extra Congregationem; quando agitur de dissolvenda aliqua Domo, aut Collegio, non obstante Decr. 23. C. 4. *i* Non modò ejus Socii ab ipso pendent, ut infra dicitur; sed si qui fuerint Romæ Procuratores rerum particularium, vel etiam Provinciarum ab ipso diriguntur, prout Generali videbitur. *l*

*b* C. 12. D. 1. &  
C. 13. D. 2. &  
5.  
*i* C. 4. D. 23.

*l* R. Proc.  
Gen. 3.

3. Quo pacto autem se gerere debeat Procurator Generalis in sui officii administratione, præscriptum est in ejus Regulis, quæ leguntur in Cod. Reg. p. 210. &c. Harum summa hæc est. Procurator Generalis curet ædificationi esse iis, cum quibus aget: subsit in iis, quæ ad suum officium non pertinent, Superioribus Domus. *m*

*Ejus obligationes quoad se, & negotia.*

*m* R. 19.

Ad ipsum pertinet Forensia omnia negotia dirigere, sed nullum ex gravioribus sine approbatione Generalis aggredietur. Rationem dabit status eorum iis, ad quos pertinent; ostensis suis literis ei Assistenti, de cujus Provinciis agitur. Consulat juris peritissimos, & maximè idoneos Curiales adhibeat. Lites verò, quantum fieri potest, declinet. *n*

*n* R. 2. & 4. 5.  
6. 7. 8.

*Quoad pecuniam, & Scripturas.*

4. In re pecuniaria administranda sit

E e 2

accu-

pturas.



accuratissimus. Habeat libros rationum, unde quotannis summa colligatur accepti, & expensi, transmittenda ad eos, quorum interest: omnisque administrationis rationem reddet tertio quoque anno ei, quem Generalis designaverit. Pecuniam alicujus momenti reponat in arca sub duplici clave; quarum alteram ipse, alteram diversam Socius habeat. Custodiat diligenter scripturas omnes authenticas: emat Bullas, & Brevia quæ in dies emanant. Literarum, quæ scribit, exempla in librum referat, summam etiam rerum agendarum, confectarumque. *p*

*o R. 9. & 12.*

*p R. 13 14. 15.  
16. 17.*

*Erga Generalem, & reliquos.*

5. Redigat Generali in memoriam petere à Summo Pontifice, quando expediet, confirmationem nostrorum Privilegorum; Provinciis, ut suppeditent pecunias pro ipsarum sumptibus, & Quindenniis tempestivè, si quæ ob beneficia unita solvenda sunt. Superintendat tum externis Officialibus, tum Sociis domesticis, ut officio fungantur suo: & hos quidem poterit foras mittere, recreationis causa, & ob negotia sui muneris. *q*

*q R. 3. 10. &  
18.*

*De ejus Sociis.*

6. Socii vero hujusmodi in iis, quæ ad suum officium non pertinent, sub Vice-Prepositi, & Ministri domus obedientia esse debent, quoad disciplinam domesticam




cam spectat, & excepta recreationis causa, ut dictum est, ad alia quævis negotia, non ad Procuratorem pertinentia, si ipsis ex- eundum erit, non nisi de Vice-Præpositi licentia facient. r

r R. Proc.  
Gen. 3.

C A P U T VIII.

De Admonitore Generalis.

1.  Xpositum superius est exer- cendam Providentiam Socie- tatis erga Generalem, etiam in iis, quæ spectant ad ipsius animam; constituendumque propterea vi- rum, qui hoc munus exerceat: ut si ani- madverteret Præpositum in his, quæ ad Personam, vel Officium suum pertinent, minus benè agere, eum admoneret; unde & Admonitor dictus est. a Is autem de- bet esse Professus quatuor Votorum, homo religiosus moribus, Deo in oratione fami- liaris, provecta jam ætate, iudicio maturo, in Instituto bene versatus, minimè credu- lus, aut timidus, nec futurus Generali in- gratus, nec assentator; quem non repug- nat esse unum ex Assistentibus. b

Ejus munus, con- dotes.

a P. 9. C. 4 §. 4.

b C. 1. D. 81. &  
C. 2. D. 22. &  
C. 4. D. 15. &  
For. Con. Gen.  
§. 86.

2. Eligendus est autem à Societate ipsa ad plura medietate suffragia, præmissa de

Ejusdem jura,



eo informatione, vel in Congregatione Generali, vel in casu diuturnæ absentia, aut mortis, extra eam; ut proximè dictum est de Assistentibus: subrogatio autem alterius, ad brevem sic electi absentiam, potest fieri à Generali. Ad ejus electionem in

*e* P. 9. c. 4. §. 4. Congregatione advocandi sunt Procurator Generalis, Secretarius Societatis, & Procuratores Provinciarum, qui adsunt. *e* Durat autem ejus Officium usque ad novi Generalis electionem. *d* Nam Generali vita functo, est Admonitor ejus Vicarii, quod si ipsemet fuerit Vicarius; eligendus est novus Admonitor à Vicario, consilio, & suffragiis Assistentium. *e* Ejus literæ à nullo Superiore, præter Generalem, referendæ sunt. *f*

*Obligaciones, &* 3. In exercendo autem officio suo tria potissimum advertere debet: 1. Motiva admonitionis: 2. Admonitionis modum: 3. Eam subsequencia. Quæ omnia completuntur ejus Regulæ approbatæ Decr. 43. Con. 4.

Circa primum. Quamvis non teneatur admonere Generalem de his, quæ illi proponenda duo, ut minimum, Assistentes non judicaverint: tamen eorum etiam, quæ à singulis Assistentium ei proposita fuerint præcipuam habeat rationem. De iis verò, quæ

*1. quando admonere debet.*



quæ sive ipsi in mentem venerint, sive ab aliis suggerentur, tum demum Generalem admonebit; cum, præmissa oratione, ea non levis esse momenti in Domino judicaverit; sive illa ad Personam, sive ad Officium Præpositi pertineant. *g*

4. Circa secundum. Ea modestia, & humilitate officium suum obeat, ut subditum decet erga Superiorem totius Societatis; nec minuere quidquam propterea debet interioris, aut exterioris reverentiæ, & obedientiæ, nec rursus necessariæ libertati quidquam detrudere. *h*

5. Circa tertium. Tacitus apud se contineat, quæ suggessit, Assistentibus tamen rationem impositæ ab ipsis admonitionis reddet; ceteris satis erit significare se proposuisse: & universè caveat, ne occasione sui officii apud alios auctoritatem Generalis imminuat. Qui si admonitione non profecerit, ipsius erit iterum, ac sæpius admonere. *i*

*g* P. 9. C. 4. §. 4.  
& C. 1. D. 82.  
& R. Admon.  
1. & 4.

*Quomodo præstanda admonitio.*

*h* P. 9. C. 4. §. 4.  
& R. Admon.  
2. 3.

*Quid agendum post Admonitionem.*

*i* R. Admon.  
5. 6. 7.






## CAPUT IX.

## De Vicario Generali.

## SECTIO I.

*Quando, & quis Vicarius eligendus.*

*Duplex occasio  
eligendi Vica-  
rii.*

1.  Actenus enumerati sunt ordi-  
narii administri, quibus Præ-  
positus Generalis juvatur in  
Gubernatione universali So-  
cietatis : jam superest alius, licet extraor-  
dinarius, summæ tamen auctoritatis, Vi-  
carius scilicet ; cui totius regendæ Societa-  
tis munus, vel vivo adhuc Præposito, vel  
eo mortuo, potest obtingere.

*Vicarius viven-  
te Generali.*

2. Et vivo quidem. 1. Cum Generalis  
ita morbo impeditur, ut tamen de sanitate  
non desperandum videretur, sine Congre-  
gatione Generali Vicarius per eundem  
Præpositum posset constitui; ut ipsius Offi-  
cio, donec convalesceret; omnino funge-  
retur; & recuperata sanitate, concessa ei  
prius facultas cessabit. 2. Si ægritudo in  
rebus magni momenti Generalem ab Offi-  
cio suo avocet, spe emendationis ea in  
parte sublata, tunc Vicarius est eligendus  
ab

*a P. 9. c. 5. D.*



ab ipfomet Præposito cum approbatione Provincialium. *b* 3. Si Generali ejus opis indigo, nec prævidente, Societas Vicarium ei adjungeret. *c*

3. At Generali mortuo Vicarii officium contingit. 1. Si Generalis eum nominaverit, qui post mortem suam Vicarii potestate Societatem gubernet. *d* 2. Si nullo per Generalem vita functum nominato Vicario, is eligatur ex præscripto formulæ. *e*

4. Certum est in omnibus prædictis casibus eligendum esse Professum quatuor Votorum. *f* Et in locum demortui Generalis eligendus communiter ex his, qui adesse Præposito, & ipsum juvare soliti sunt; vel certè ex iis, qui proximè degunt, & sunt in rebus Societatis versati. *g*

**S E C T I O II.**

*De Vicarii Potestate.*

1. **V**icarii autem potestas, superstiti Generali, sed inutili, amissa spe convalescendi, si electus à Congregatione particulari ad eligendum Vicarium convocata, erit eadem, quæ Vicarii, mortuo Generali. *b* Si verò, aut à Præposito Generali cum approbatione Provincialium, aut à Congregatione ipsa Generali eligatur; *c*

*b* P. 9. c. 4. §. 6.  
*c* P. 9. c. 4. §. 6.  
& c. 5. §. 6. &  
C. 8. D. 29.

*Mortuo Generali.*

*d* P. 8. c. 4. §. 1.  
& C. 4. D. 20.  
21.

*e* P. 8. c. 4. §. 1.  
A. & For. Con.  
ad el. Vic.

*Quis eligendus*

*f* P. 8. c. 4. §. 1.  
& c. 3. A. & C.  
1. D. 42. & C.  
3 D 21.

*g* P. 8. c. 4. §. 1.  
& F. Con. §. 6.

*Generali superstiti.*

*h* C. 8. D. 29.



i P. 9. c. 4. §. 6.

l P. 9. c. 5. §. 6.

*Quid Vicarius  
post mortem Ge-  
neralis prestare  
debeat circa ip-  
sum.*

m C. 1. D. 43.

& C. 3. D. 33.

& C. 4. D. 43.

n Off. Vic. §.

13.

o Off. Vic. §. 2.

*Ejus Auctoritas  
in genere.*

p P. 8. c. 4. A.

& C. 1. D. 43.

& c.

q C. 1. D. 5. A.

& C. 2. D. 12.

A.

erit eligentis Generalis, aut Societatis, ejus potestatem determinare; i & an absoluta futura sit. Sed numquam usurpabit nomen Præpositi Generalis. l

2. At Vicarii, qui Generali mortuo substituitur, ad regendam Societatem, & convocandam Congregationem Generalem, ut novum Præpositum eligat, auctoritas, & obligationes explicantur in Officio Vicarii confecto, & approbato auctoritate Congregationum. m Is igitur, ubi primum declaratus est Vicarius, ab antiquissimo Assistentium debet accipere clavem scrinii Generalis; nec quidquam inde extrahere, nisi necessitas urgeat, & presentibus Secretario, & duobus Assistentibus. n Statim pariter curabit, ut Missæ, & Orationes pro anima mortui Præpositi fiant. o

3. Ceterum ad hujusmodi Vicarium spectat, Societatem universam gubernare, usque ad novi Generalis electionem. p Quare omnes Officiales subesse ei debent. q Generatim verò, & exceptis enumerandis limitationibus, Vicarius Generalis habet omnem potestatem, & facultatem ad gubernandam Societatem; quâ instructus est Præpositus Generalis: ac nominatim ad illius quoque intentionem dici debent

Sa-



Sacrum, & Corona, quæ singulis hebdomadis dicuntur ad intentionem Generalis. r

r C. 10. D. 8 & C. 12. D. 56. §. 4.

*Gubernandi ratio.*

4. Ratio Gubernationis eadem erit, quæ demortui Præpositi; ad illiusque sensum se componet, eum conjectando, ubi compertus non est. s Res omnes graves, quæ differri possunt, ad novi Præpositi electionem differet. t At universim res gravissimas, quæ differri nequeunt, semper ad plura cum Assistentibus suffragia decernet: gravissimæ autem, censendæ quas major pars, ipso cum Assistente consultante, gravissimas judicabit: reliqua minùs gravia consultabit cum iisdem magis, quàm Generalis: literasque negotia continentis Assistentibus omnibus communicabit. u Nullam verò Domum, Collegium, aut Universitatem instituet. x

s Off. Vic. §. 6.

t Off. Vic. §. 8.

u Off. Vic. §. 12. & C. 7. D. 74.

x Off. Vic. §. 9.

*Limitatio erga Officiales primarios.*

5. Non potest mutare Assistentes, Admonitorem, Secretarium, Procuratorem Generalem, Præpositos, Rectores, Præfectos Probationum, & alios Officiales primarios, qui creantur à Generali, nisi fortè aliqui morerentur; & alii in locum illorum usque ad electionem Præpositi Generalis substituendi essent; vel aliqua gravissimæ causæ intercederent; propter quas aliquis illorum ab officii executione tollendus,



lendus, vel suspendendus videretur; & hoc quidem re cum Assistentibus communicata ad plura suffragia: quæ pariter adhibenda in electione Admonitoris; si fortè, qui fuerat Generalis Admonitor, in Vicarium electus est. *7* Poterit etiam mutare Superiores quoscumque, quorum Generalis defunctus Successores nominaverit: si tamen ante obitum Generalis triennium regiminis expleverint. *2*

6. Habet facultatem celebrandi contractus, non tamen alienandi, aut vendendi bona stabilia Societatis; nisi res sit in evidentem utilitatem, & quæ moram non patiatur, & cum consensu Assistentium, ad plura suffragia. *4* Quæ pariter sequetur, ubi de mutandis Professis ab una in aliam Provinciam ante Congregationes Provinciales, aut de Missionibus eorundem ad remotiores partes gravior aliqua dubitatio incideret; nam ob leviores causas mutare non potest. *b* Potest admittere ad Professionem, & Gradum eos, qui habent omnia ad id requisita, non obstante Dec. 3. Con. 4. *c* & dimittere è Societate Professos, & Coadjutores formatos; sed in causis gravissimis, & ad plura cum Assistentibus suffragia. *d*

7. Altera verò pars Officii hujus Vicarii est

*7* Off. Vic. § 7.  
& C. 1. D. 1. &  
C. 4. D. 58.

*2* C. 12. D. 30.

*Alia in particulari, aut concessa, aut negata.*

*4* Off. Vic. §.  
10. & C. 2. D.  
53. & C. 4. D.  
36.

*b* Off. Vic. § 11.

*c* C. 12. D. 10.

*d* C. 8. D. 46.

*Quid prestare debeat in ordine ad Congregationem Generalem.*



est Societatem ad electionem Præpositi, primo quoque tempore faciendam, convocare; statuereque ad plura cum Afsistentibus suffragia, an ad gravia negotia post electionem tractanda, præter duos Electores, in Congregationibus Provincialibus alios duos eligi oporteat, ad Congregationem Generalem venturos. *e* Decreto loco, & die, Missas, & Orationes pro felici electione indicat. Ubi Electores convenerint, eis referat, quæ facta sunt post mortem Præpositi ad Congregationem pertinentia; & curet reliqua quæ primis quinque capitibus Form. Con. Gen. continentur. *f* Ipse in Congregatione Generali, cui ante electionem præsidet, habet unum tantum suffragium: sed ceteris paribus qualitatem præcedendi. *g* Per electionem Præpositi cessat ejus Officium, *h* non autem jus accedendi ad Congregationem Generalem; ubi sedet inter Provinciales, juxta antiquitatem suæ Professionis. *i* In eventum mortis suæ non nominat Successorem. *l*

*e* P. 8. c. 3. §. 1.  
& A. & C. 2.  
D. 2. & C. 4. D.  
35. & Off. Vic.  
§. 1. & 4. & F.  
Con. Prov. §.  
32.  
*f* Off. Vic. §. 3.  
4. 5.

*g* P. 8. c. 3. §. 2.  
& C. 1. D. 4.  
& F. Con. Gen.  
§. 11.  
*h* Off. Vic. 1.

*i* C. 3. D. 2.  
*l* C. 9. D. 14.



PARS